

Օ Տ Ա Ր Ե Կ Ե Ղ Ե Ց Ի

ՊՐԱՒՈՍԼԱՒ ԵԿԵՂԵՑԻ

(Перк. Вѣст.)

Պրաւոսլաւ Հոգեւ. Վարչութեան նախահաւիր.

Պետական Դուման ընդունել է Ռուս Սրբազնագոյն Սինոդի նախահաշիւը 1911 թուի համար:

Սրբազնագոյն Սինոդի նախահաշիւը 37,000,567 ռ. է, համեմատութեամբ անցած տարւոյ՝ 3,37100 ռուբլ. աւելի: Դումայի ցանկութեան համեմատ եպիսկոպոսների ուժերի հաւասարումն իրագործուել է, բարւոքուել է կոնսիստորիանների գործաւարութեան եղանակը, Սրբազնագոյն Սինոդի օրեր-պրօկուրօրի զեկուցման մէջ շեշտուած են.

ա. Պրաւոսլաւ ծխի կանոնադրութիւնը.—Անցած տարւոյ վերջին պրաւոսլաւ ծխի կանոնադրութեան ծրագիրը առաջարկուած է նախարարների խորհրդին. այդ ծրագրի հիմնական գաղափարն է, 1 ծխականներին հրաւիրել գործոն մասնակցութեան ծխական կեանքին՝ ծխական ժողովներով և ծխական խորհուրդներով. 2. հնարաւորութիւն է տրուում բարգաւաճելու ծխի կրթական, բարեգործական զանազան հաստատութիւններին: 3. ինչպէս ծխական, նոյնպէս և պրաւոսլաւ եկեղեցական հաստատութիւնների ղեկավարող դերը յանձնուում է քահանային, որ ծխականների հետ ըստ կանոնի, հնազանդում են թեմի եպիսկոպոսին: 4, ծխի կազմակերպութեանը տրուում է հնարաւոր պարգուծիւն և ճկունութիւն, որ ծրագրուած կանոնադրութիւնը ընդունելի լինի որպէս պարտաւորական և պրաւոսլաւ Ռուսիայի զանազան կողմերում ու անկիւններում: 5, Ծխին օգնութիւն և աղբիւր է ցոյց տրուում շարժական և անշարժ ստացուածներ և եոք բերելու, տալով նրան լիազօրութիւն իւր իրաւունքը դատարաններում պաշտպանելու, իրաւաբանական մարմնի բոլոր արտօնութիւններով: Բ. Կոնսիստորիանների գործաւարութեան բարւոքման մանրամասնութիւնները:

4. Վանական դոյքերը կառավարելու կանոնները.—Այդ կանոնների նպատակն է բարւոքել նիւթական և յատկապէս վանական կեանքի բարոյական կողմը. ամփոփելով վանականութեան վերաբերեալ բոլոր կանոնները ի մի, որ ցայսօր չի եղել:

5. Հոգեւոր Վարչութեան ձեռնարկութիւնը.—Այդ ձեռնարկութեան նպատակն էր անցեալ տարի քաղաքային և գիւղական հոգեւորականների կացութիւնը բարւոքելու համար ծրագիր կազմել, «Հաւանական է, ասուած է ղեկուցման մէջ, որ 1912 թուի նախահաշիւ կազմելիս կից տեղեկագրում Պետական Դումայի ուշադրութեան կառաջարկուեն մշակուած նախագծի հիմնական գծերը, որին կը հետևի կարգը համապատասխան օրինագիծ պատրաստելու համար: Հոգեւոր Վարչութիւնը, յամենայն դէպս, պէտք է յիշի Պետական Դումայի և հետեւեալ կազմի առաջ, որ այս հարցը զարթեցնելու պատիւը պատկանում է Պետական Դումայի երկրորդ կազմին»:

6. Հոգեւոր դպրոցների և սեմինարիաների համար նոր կանոն և կարգ մշակող Սինօդի օւսումնական յանձնաժողովի աշխատանքները.—Այդ աշխատանքները աւարտուել են տաւոյս յունվար ամսին և օւսումնական յանձնաժողովի բոլոր առաջարկութիւնները կը մատուցուեն Սրբազնագոյն Սինօդին: Այդտեղ ուշադրութիւն է դարձուած դպրոցների նիւթական և օւսումնական հանգամանքների բարւոքման վերայ նպատակայարմար դարձնելու համար:

Իբրև եղրակացութիւն իւր ճառի Ս. Սինօդի պօքեր—պրօկուրօրը յոյս է յայտնել, որ «ապագայում էլ պետական Դումայի բարեացակամ վերաբերմունքի շնորհիւ հոգեւոր վարչութեան բոլոր նոր ձեռնարկութիւնները, որոնք համապատասխանում են եկեղեցու և պետութեան իսկական կարիքներին ու օգտին, յաջող ելք կստանան օրէնսդրական դորձողութեամբ, այդ ապացոյց կը լինի, որ Ռուս պրաւօսլաւ եկեղեցու կարիքները ժողովրդական ներկայացուցիչները իրանց սրտին այնպէս մօտ են ընդունում, ինչպէս և ինքն ունս պրաւօսլաւ ժողովուրդն է»:

Հովիւների ընդհանուր կրթութիւն.

Церков. Вѣст.-(№ 9) ասում է, որ նոյն ինքն Հովիւների խոստովանութեամբ շատ քիչ է այն ընդհանուր կրթութիւնը, որ նրանք ստանում են սեմինարիաներում: Հոգեւոր դպրոցներում պէտք է զօրացնել ընդհանուր կրթութիւնը: Եւ իմաստութեամբ է վարւում Հոգեւոր վարչութիւնը աշխատելով ընդարձակել իւր դպրոցներում ոչ միայն աստուածաբանական այլ և հանրակրթական ծրագիրը:

ՌՈՒՍ ՀԵՐՉՈՒԱԾՆԵՐ

Հռովմի ձգտումն որսալ հնածէսներին.

Պարսուլաւ Հոգեւոր վարչութեանը մտահոգութիւն է պատճառում Հռովմի ձգտումն գրաւելու ռուս հնածէսներին: Հռովմը որսալով 2—3 հոգեւորական հնածէսներ, կարծում է, թէ առատ հունձ կունենայ: Սակայն ըստ ռուս լրագրների, Հռովմի որսած հնածէսները մեծարժէք գիւտ չեն: Դրանք անհաստատ համոզմունքի տէր մարդիկ են, պատրաստ հանգամանքին նայելով փոխելու իրանց համոզմունքը. և դրանցով դատել հնածէսներին՝ սխալ կը լինէր:

Խօսելով դէպի Հռովմ ձգտող հնածէսների գլխաւոր Հ. Վօլոշչուկի մասին Церк. Вѣст.-ը առնելով Рус. Слово-ից ասում է. կան երկու տեսակ կրօնի հետամուտներ, ոմանք իսկապէս անկեղծօրէն կրօնական բաւականութիւն են որոնում կրօնական նոր համայնքների մէջ, և յաճախ հոգեկան հանգիստ չգտնելով մի դաւանութեան մէջ, ուրիշ դաւանութեան են դիմում, որ իրանց հոգեկան հարցասիրութեան պատասխան գտնեն, կայ և մի ուրիշ ամբողջական տիպ, որին պատկանում է Հ. Վօլոշչուկը: Դրանք անապատում թափառողների նման են. որ ոչ թէ ճշմարտութիւն են որոնում, այլ արածելու տեղ, ուր աւելի յարմար պարզէին իրանց վրանները...